



# 中國地方志集成

四川府縣志輯（新編）⑤2

民國閬中縣志

民國蒼溪縣志

同治儀隴縣志

巴蜀書社·鳳凰出版社·上海書店

# 第五十二冊目錄

民國閬中縣志	一
民國蒼溪縣志	二一七
同治儀隴縣志	三七七

國民

閬中縣志

民國·岳永武 修 鄭鍾靈等 纂  
民國十五年石印本 三十卷

重修閩中縣志序

乙丑之春予知閩中與邑之賢達謀修縣志時有進而言者曰今各縣競起修志矣顧或優游坐食負責無人往往經年累月而不克成書即書成矣又或意見紛歧訾議旁生往往交嘲互訟而不克付梓蓋修一縣之志若斯之難也吾邑之志成於李宮詹西漚宮詹一時名宿體例簡當前賢之撰述既美後進之踵事難工兼年來吾邑耆舊凋謝畧盡一二能文之士又為饑驅四方才難其然誰肩鉅任此修吾邑之志為尤難予曰宮詹之志成於嘉慶之季距今百餘年矣此百餘年名宦鄉賢孝子悌弟義夫節婦其行迹不無可紀其幽

閩中縣志

卷之一

序

一

光不容終闕不可不志也鉅製鴻篇零楮斷簡足以生里鄰之光輝備文獻之徵採者不可不志也清末民國之初地方政治改革極繁其間興廢之故變遷之迹不可不志也其因時代之不同而觀察有詳畧因傳聞之互異而紀載有錯謬亦不可不釐訂而更正之也抑尤有進焉者人羣之智識愈進則其組織愈密而其紀載此種組織者愈不可缺畧而間斷一縣者人羣組織之一單位也竊謂縣志重要之點尤在取各種之組織以統計比較循其已然之迹而覘其演進之度是以修纂之舉不厭其數時日較近然後統計有所資比較得所據披舊志之佳惡固屬無闕縱外來之訾警亦不足

計君子遇事審其義所當為為則期其必成持毅力以赴之立程限以要之其於臨文亦若是焉可耳眾皆曰唯重修之議遂決今距開始修纂之時甫逾一稔竟已覆然成帙縣人復群相贊助付之手民然則諸君子用力之勤與縣人之能持大體以較夫久久不克成書付梓者其相去為何如耶將來縣外之彥後起之秀以此為藍本而考訂潤色更進而斟酌義例棄故納新以順應時潮而開一縣志乘之新紀元不尤足多矣乎諸君子校刊既竟索序於予予故樂述當日談論之語而弁諸簡端

中華民國十五年仲冬月既望前知閩中縣事岳永武謹序

閩中縣志

卷之一

序

二

閩中縣志修志職名

監修

閩中縣知事 岳永武

閩中縣知事 余仲鈞

籌備

前縣視學 雷開璠

縣會議長 彭新

教育局長 李煥

十區採訪

前清廩生 張莖 前清附生 何學易

閩中縣志

卷之一

職名

一

高小學畢業 侯文煊 高小學畢業 陳立仁

中學畢業 鄭孝先 三區採訪祇得一人填有表來其一未見故佚其名

前清附生 馬秉靈 通省師範選科畢業 敬懷善

前清附生 常慎樞 師範畢業 邢正椿

中學畢業 王保民 師範畢業 楊紹震

師範畢業 陳興雲 前清附生 羅雲錦

前清附生 王建極 前清附生 戚聯珠

國學院畢業 李大義 法政學畢業 張書紳

前清廩生 張鴻翎 中學畢業 楊樹芬

督印

陸軍上校 邢季卿

前分纂 進士 鄭鍾靈

前分纂 清進士 鄭鍾靈

前分纂 清進士 鄭鍾靈

前分纂 清進士 鄭鍾靈

前分纂 清進士 鄭鍾靈

前分纂 清進士 鄭鍾靈

前分纂 清進士 鄭鍾靈

前分纂 清進士 鄭鍾靈

閩中縣志

卷之一

職名

二

前清附生 孫鵬翀

前清附生 孔慶庚

前清附生 廖炳章

前清附生 胡興奎

前清附生 劉文選

前清附生 張家楨

前清附生 蕭廷滑

前清附生 劉泉祚

前清附生 蕭廷滑

前清附生 蕭廷滑

閩中縣志凡例

一閩中舊志成於李西漚先生襄助者並皆一時名宿起例屬辭無慚大雅今日續修本可但增事實無煩重商體例惟時代變遷匪特制度今昔殊異抑且人事日繁學說日新有舊志所無而在今視為重要不得不詳加著錄者事類既增不免涉及體例其舊有門類應併應析者亦即併加釐正期歸允當

一是書共為八編分門三十各門中標立子目與否隨事而定不拘一格第一二編志屬於地者為門凡九第三四編志屬於人事者為門十有二第五六編志屬於人者為門

閩中縣志

卷之一

凡例

凡六第七八編則藝文上下而外有雜類以補各門之所未備及事不隸於各門者屬之從舊志例也

一城池場市舊志分為二門今併為一闕臨津梁并屬交通範圍今列為交通門子目又省寺觀入宗教省塚墓入古蹟此舊志畧有省併者也第一二編之氣候門及交通門之道路郵電兩子目第三四編之宗教自治實業教育慈善各門則皆舊志所無而按之今日制度學說不得不增蓋者至第六編之仙釋門則於舊志志餘中析出又舊志有兵制門今更標目曰武備庶可以括民團凡所增者析併皆經詳審非敢立異但期適宜

一舊志於藝文大概以詩文統載茲依別志例區分門類以便稽考

一本志從舊志例於各門去其鋪排門面小序此次續修不免有更改增損處故須贅言以申明之至天文星野高遠莫稽且非一邑所能專西漚舊志概弗苟同今從之

一近今談地理者山脈必條分其支幹河流必詳究其源委茲編志山川從之期免從前散漫列舉之弊至輿圖雖未能精確測量然幅員之廣狹道里之遠近與夫山川位置水陸交通皆經採訪者實地調查當不至大失真相

一是書於物產實業之有關利源及民生者稍有可採亦必

閩中縣志

卷之一

凡例

二

詳為記載而于風俗習慣之涉及迷信者則概從沙汰或畧加駁斥意在滄滌陋習導起實用

一戶口賦稅之數時有變遷年無定額者則酌取一年為標準或取數年之平均數以志其大概至近年軍事頻仍派捐軍餉歲率一二十萬數固倍蓰於正供然一時痛苦之供億非經常之賦稅悉屏不錄庶免來者效尤

一武備門所志境內國軍暫以清代為斷民國初建政綱未一來往境內之國軍前後既無一定記載暫從簡略

一前賢通志不遺災異者蓋為人事弭補之計非崇鬼神迷信之談本志亦備其格



一仙釋雖亦間涉迷信然既有其人不可不存而舊志列入志餘似妨體例茲特析為一門列入第六編俾各從其類以明人羣中有此一流人物而已非拘泥也

一志例人物列傳以歿後三十年為斷生存者不錄今卷師其意并仿南江志例凡歿於民國者雖有行實足紀概不登錄惟曾經表揚有官文書足依據者不拘此例

一西滙先生居於客觀地位其記風俗一門間有回護之辭此次從事者俱隸閩籍不敢自欺欺人故義取紀實以為信史非自菲薄也

一志雖為續修而較之舊志事實既增體例亦異雖未能如曾公亮等之新唐書事增文省而仿新舊唐書並行之例未始不可至是編倉卒成書疎畧外誤知所不免舊志具在閱者不妨參觀互證之

閩中縣志

卷之一

凡例

三

附記

乙丑冬續修縣志告成同人咸請序於總纂鄭公鄭公曰斯志之梗概已具於凡例中諸公既緣例操筆吾復何言然選聞鄭公是說正自不得已於言也本書發凡起例根據舊志而來陳跡故轍已難盡循其中又因時世之演進懸格以求理想事實難於相赴故造車既不適轍則臨途祇得易軌例如人士不列于目嗣因採訪家越矩難進不得不標名類以嚴登載之門吾邑風俗向名淳樸邇來日就澆漓為不可掩諱之情事惟今昔不侔又不能執目前以抹殺當日故愛前例而列表以區別之原例仿漁仲通

閩中縣志

卷之一

附記

一

志特列災祥一門本為豫防救濟之計而各方來表大都昧斯宏旨而競為鬼神怪異之增入載之不經却之不得乃擇其可資以輔導者並附於雜類志之末於是本例之原旨以晦宗教道理精微範圍宏大一方隅之微見不足語於宗門故僅撮邑中寺廟之數及信仰之徒以為驗蓋亦即淺見深以虛徵實之意也原例志餘仿西滙六類收載其大概為人士中未能備及之條如三陳餘事事雖別舉人則重見不免失之繁複因取類及主意而附載於本人事紀之後別括正紀中所礙難收入者以實之而雜類志之內容遂為之改觀且舊志於人士編次有因其受秩大小

及第先後為序者如宋之四陳以父隸子以弟先兄用官志科錄之例於義難安故仍府志載法別為省華立傳而躋堯叟於堯佐之前綜觀以上均在當更之列持守舊例反失記載之真矣選從事之初曾以是請命於總纂及同事諸公皆不以選為狂妄於是舊載新採多所變易不相符合苟若執成例以相詰背道而馳誰任其咎此選之所不能已於言也至是書以乙丑春季發軔冬初竣功閱時八月其中因採訪調查而扞格留滯又經三月有餘倉皇卒事草率不免遺漏成又因謄寫及付印經費牽延一年之久乃克出書此則選之為鄭公言者也鄭公不

閩中縣志 卷之一 附北 二

自為序忝在從事敢蘄然自異乎附記編末不過言選一人之所當言云爾民國丙寅年仲冬月纂修劉文選謹識

閩中縣志目錄

第一冊

- 卷之一 沿革志
- 卷之二 疆域志 本縣全圖
- 卷之三 氣候志
- 卷之四 山川志 山脈 河流 山系圖
- 卷之五 城市志 城市圖 場市表
- 卷之六 交通志 道路 橋梁 關隘 郵電
- 第二冊
- 卷之七 衙署志 局所附

閩中縣志 卷之一 目錄 一

- 卷之八 祠廟志 祠廟文附
- 卷之九 古蹟志 建築 金石 古物附 塚墓
- 第三冊
- 卷之十 戶口志
- 卷之十一 風俗志
- 卷之十二 宗教志 佛道 巫附 耶回 各
- 寺觀堂會表附
- 卷之十三 自治志
- 卷之十四 賦稅志
- 卷之十五 倉儲志

卷之十六 物產志 動植 礦  
卷之十七 實業志 農 水利 水產 工商

漁 實業團體表附

第四册

卷之十八 教育志 教育行政 教育經費 教育

團體 學田 雙學校表附

卷之十九 選舉志 科舉 推選

卷之二十 武備志

卷之二十一 慈善志 慈善事業 慈善義舉

第五册

閩中縣志

卷之一

目錄

二

卷之二十二 人士志 人物 忠義 孝友 行誼

文學 一行

第六册

卷之二十三 列女志 節孝 節婦 孝婦 烈婦

烈女附 貞女 才淑 賢淑

卷之二十四 官師志

卷之二十五 流寓志

卷之二十六 仙釋志

卷之二十七 方伎志

第七册

卷之二十八 藝文志上 表書 記 銘 序

傳文

卷之二十九 藝文志下 詩 詩話

第八册

卷之三十 雜類志 紀地 紀兵 紀事 紀異

閩中縣志

卷之一

目錄

三

閩中縣志卷之一

沿革志

閩中縣建置

沿革表  
閩中以閩水迂曲繞城三面故名

稱州

郡

沿

革

禹貢梁州之域

華陽國志武王克殷封姬姓於巴爵之以子都江州或治墊江或治平都後治閩中

周巴子國地

秦始置閩中縣屬巴郡

漢閩中縣屬巴郡建安中為巴西郡治

晉閩中縣為巴西郡治

齊宋閩中縣為北巴西郡治

梁閩中縣為南梁州治

西魏閩中縣為隆州治

隋閩內縣為巴西郡治  
縣名復舊為閩州治屬山南道武德初分置思恭縣屬隆州七年省入

五代閩中縣為閩州治

宋閩中縣  
為閩州治屬峽西路淳祐三年徙治大獲山(今蒼溪境內)

元閩中縣為保寧府治

明閩中縣仍元之舊為保寧府治

中華仍稱閩中縣廢府屬嘉陵道

民國按巴西之分始於劉璋在後漢建安六年晉以前曰巴西晉以後曰北巴西其改南梁州則在梁天監六年西

魏之改隆州在孝昌三年尋又立盤龍郡隋開皇初廢郡存州至大業初改州為郡仍曰巴西郡唐復改隆州在武德元年繼改閩州在先天三年唐初為閩州中郡宋初亦曰閩州閩中郡至保寧府之名則元至十三年所改旋改為路後復為府閩中自元迄清皆為府治以前非郡治即州治故並紀其州郡沿革之梗概如此

閩中縣志

卷之一

沿革志

二

閬中縣志卷之二

疆域志

閬中縣城在北緯三十一度三十分當中經線西十度二十六分

東至儀隴縣界約一百二十里 觀音場

西至南部縣界約三十五里 雙柏堰前面

南至南部縣界約四十五里 界牌

北至蒼溪縣界約四十里 五里子

東北至巴中縣界約一百八十里 三廟溝

西北至蒼溪縣界約三十里 陳家堰

閬中縣志 卷之二

疆域志

三

東南至儀隴縣界約一百一十里 盤馬坎前面

西南至南部縣界約九十里 興隆場

按舊志西及西南均云與鹽亭縣接界今閬中西南境皆與南部接壤斷無有越南部而與鹽亭接界之理舊志所稱蓋沿南界入閬時之誤不可以律今日之閬境也

東西距約一百五十五里

南北距約八十五里

全境形勢縣治適居西偏惟東北一隅突出最甚故有距治城最遠者地勢南北狹而東西廣其直線距離未經實地測量所有距城遠近均不過以人行道里約計且沿境

犬牙相錯與他縣接觸之處亦難得真確故縣境面積不易推算姑從闕如

閬中地勢居三巴上游為兩川屏蔽北通漢沔西控梓潼東達巴山諸峽口三路交通皆會集於此且嘉陵上游諸水亦至此而合為一川故此地實扼水陸之咽喉為川北之門戶在昔東道輪軌未通時代利閬要區為出入北道者所必爭兵事上視為重鎮良有以也

境內區劃昔分十二鄉 近城者在城鄉 東岳鄉 東路茶

西路龍山鄉 淳風鄉 新塋鄉 重錦鄉 龍泉鄉

東南路馬頭鄉 長樂鄉 南路太平鄉 西南路崇德鄉 至前清光緒三十四年籌辦自治始析為十區今仍之

閬中縣志 卷之二

疆域志

四

昔人言地理參差其詳難辨實由名號變易境土屢遷或一郡一縣割成四五五之中互有離合閬中自兩漢後或為郡理或為州理要皆確有主名更無混亂所異者疆域之廣狹耳自漢永元二年分閬中地置充國縣梁以其居閬中之南改曰南部明洪武十年并南部入閬中十四年復置而今日之南部計其所轄境域較閬中殆將倍之蒼溪縣在漢時亦屬閬中地而今日蒼溪之幅員比於閬中亦加十分之二規制既定廣輪遂殊是則今昔之不能畫一者也

閬 中 縣 輿 畜



一、四圍於山脈著色  
二、三處地於水屬標記  
三、標記於水屬標記  
四、標記於水屬標記  
五、標記於水屬標記  
六、標記於水屬標記  
七、標記於水屬標記  
八、標記於水屬標記  
九、標記於水屬標記  
十、標記於水屬標記

閬中縣志卷之三

氣候志

氣溫 就治城言最高溫度達華氏寒暑表九十四度或九十六度以上最低溫度降至華氏寒暑表三十三度或三十一度以下惟最高溫度在陽曆七八月交最低溫度在陽曆十二月一月之交一日間之溫度均無劇烈變化

按閬中幅員扁狹緯度之差不及一度寒暑似無大異惟地勢東北高而西南低故東北部與西南部之氣候不無差異且東北遲熱早寒與西南部懸殊即以農家耕種收穫之時期言彼此相差旬日可概見矣

雨量 本處地勢雖非高原而雨澤亦時有缺乏之虞惟雨量最多之月恒在秋季 陽曆八月 最少之月恒在冬季 陽曆十二月

閬中縣志

卷之三

氣候志

五

一月至一月當雨澤豐富年歲多雨之月其量在八寸以上惟雨澤缺乏年間即多雨之月其量僅六寸以上至冬季少雨之時一月雨量則不過數分而已

氣壓 此地最高氣壓恒在一月約七百三十耗上下至最低氣壓則在七月約七百一十八耗

風之方向及速度 此地春夏多東南風秋冬多西北風降雨之風向多至西北而來至風之速度微風時每點鐘行二十三里至二十六里疾風時每點鐘可行一百三十里以上遇暴風時每點鐘可行至四百四十餘里即為此地罕見之烈風

霧露霜雪冰雹之現象 此地露於夏秋之季晴夜有之霧  
於秋冬之季寒夜見之又冬季溫度低降時露則凝結而  
為霜寒氣較盛時雨則變化而為雪惟雨雪紛紛昔恒見  
之今則往往有無雪之年矣若遇降雪時縣中東北部之  
雪較西南部所積為厚亦地勢之高低寒暖之差異致之  
也此處雖當冬季嚴寒時田中之水僅結薄冰見日即融  
至溪河池沼之水則鮮有結冰者雹之為災於春夏之交  
亦間有之小則如黍如豆大則如粟如李惟所降之地域  
恒不過十餘里或數十里而已

閩中縣志卷之四

山川志一 山脈

西匯舊志於山岳取列舉主義至分支劈脈則略而不詳今  
變更體例析其支幹尋其脈絡就一縣山脈大別為數支於  
各支山系之中簡明繪圖而以舊志所載著名諸山附記於  
後庶幾如網在綱有條不紊矣


閩中山脈若從大勢言之則嘉陵江左岸之山均係巴山  
脈右岸之山皆屬劍門山脈然細別之則巴山脈可分為  
四劍門山脈可別為二茲分述於後

(甲)巴山脈

閩中縣志

(一) 盤龍山系

盤龍山自蒼溪烟烽樓蜿蜒而來其正幹為盤龍至分支  
左行者則為文城山至東河而止其分支右行者則為盤  
絲山抵嘉陵江而盡此山脈均在北二區境內繪圖如左



盤龍山在縣治北三里蜿蜒磅礴橫潤十餘里西至西巖東至東巖皆其旁支蓋閭之鎮山也

舊志稱唐貞觀中望氣者言西南千里外有王氣太宗令人入蜀次閬中果見山氣蔥鬱因鑿斷石脉水流如血今名鋸山荒唐之言未足徵信

織蓋山一名織子山之橫巨於城北而舉目可見者統

曰盤龍北特其一峯耳中頂微尖四面皆下以肖形而名之

北巖在織蓋山半一名頤神巖巖曲而矜前後高下深處

可三四丈巖邊有細泉霏下錯落如珠於消暑為宜

玉臺山在縣北七里盤龍山之左臂也杜甫詩所謂閬州

閬中縣志

卷之四

山川志

八

城北玉臺碧者即此巖鑿石室二一曰頤神洞一曰慈氏

洞西巖在玉台山後

閬之有兩巖北巖東巖西巖猶巴州之有兩龕北龕東龕西龕也而西巖不載於各志今西巖寺之名土人猶能道之蓋寺廢而巖幾隱矣

東巖在縣東七里盤龍山之右臂也

府志稱陳克叟兄弟讀書於此一名台星巖是又杜南巖入東巖矣至云南唐高士安隱居處所謂高士安者亦未詳其為何許人

靈山在縣東十里昔蜀王懿靈登此故名上有龍女洞唐

天寶六年賜名仙穴山此山蓋即今之所謂梁山也

此山明通志稱其一峯峭拔介嘉陵東江之閬而府志以為塔子山按塔山在嘉陵江南岸去梁江遠甚且通



志言在東十里即太平寨宇記亦言在東北十里塔山  
無十里不持又竊以介在嘉陵東之山間八字度之十一  
年舊碑一過首云魚城而東靈山之根嘉陵法其前宗  
江吐其後不其清楚既不知其為何廟亦無作者姓氏  
蹟缺大亦不其清楚既不知其為何廟亦無作者姓氏  
他無可論矣靈山之名亦游移而無所附麗習非勝是  
穴之名如斯至魚城二字尤不經見閣中有此對名亦可  
謂地志之缺故備書之  
常清洞六慈絕微有一徑相通其所謂東南兩峯即明飛  
志之所謂一峯峭拔者峯三面臨江山背有一徑相通  
人呼為仙人棋盤石當即玉女搗練石微有一徑相通  
其徑果窄狹非矯捷者不得過山頂之池尚管以石必  
味極甘至所謂洞穴則莫得而詳惟左麓有小口如窺  
然入於其口而水亦涓涓不絕也

閬中縣志

卷之四

山川志

九

靈城山在縣東二十五里東河之側今皆呼為靈城巖巖  
與北巖似而深廣倍之有泉從巖弦石罅中出滴瀝而  
下亦與北巖之泉似至其久雨不溢大旱不竭則北巖  
所不逮也

府志作縣東六十里  
蓋沿通志而誤者

陳漆靈城巖記 澤州之東二十里其地曰白沙白砂之  
巴山大華之別派也嶺標之費兩峯屹峙培塿迤邐左  
右環拱中有若曰靈城郡志以為非他道之比其巖  
深而奇潔也蒼松密竹怪石老藤鱗峩周旋巖面有瀑  
布進延石閣綠若凍而無泉脈下注為流溪中岩之  
腹仰而視之有雙竹飛隱隱得石上修大許杖節刻畫  
儼有生志此巖之異特也又有古石浮圓推非巖側千  
佛遺像勢巖壁難久磨滅而工刻精緻殆非今世  
所能作巖廣袤深環幾里而半擁土石木現巖除刻而

除之傲而大之則其遠不特足跡穴相屬不知幾洞府  
矣巖下沃以靈水歸則無不衍茂故鍾名之出視他鄉之  
巖或下沃以靈水歸則無不衍茂故鍾名之出視他鄉之  
未以巖物者蓋之凸者平之曠者鐘之所以板石夷其地  
且到結聖潔其中以為是鄉乞靈之所且佛佛懸懸遊  
者毋敢犯其秋以工計者凡二百有奇公務理君之廟  
殊早棄家事每歲夏必樓上巖側倚倚水石亦烟霞之  
倚侶也因祀斯巖之觀與天蒲注周意之所以鍊鍊堅  
之奇泥傳之視則亦不致發速也時寶慶改元歲在乙  
酉二月旦日刻石 按公格理三字不可解

閬中縣志

卷之四

山川志

十

雲臺山一名天柱山在東北四十五里高四百丈上方百  
謂桂花池也  
又有壇曰元壇傳為張道陵授符錄處一池已涸則所  
文城山在縣東三十里有飛仙臺傳為朱真人飛昇處

里有洞四曰麻姑芙蓉平仙峻仙池二曰玉丹玉魚巖  
二曰松根蟠桃漢張道陵二十四化之一也 蒼溪  
(二)方山山系

方山山脈自蒼溪縣屬之太陽山蜿蜒南趨至白廟場入  
閬中境其正幹初向南行至解元場乃折向西南抵葭溪  
與嘉陵江合流處而盡其分支右行諸山盡於東河分支  
左行諸山止於葭溪此山脈綿亘於九區全境及八五兩  
區葭溪右岸諸山與北二區東河左岸諸山皆是茲繪圖  
如左